



ORANJESTAD- “Bella y Edwin...Pia pa ki mi tin bo” ta un exposicion nobo di e autor y pintor Irmgard Frans. Habri na Biblioteca Nacional riba dia 4 di juni 2014 E exposicion aki ta pa publico en general, di tur edad. Pa nos

hobennan por wak con antes e muchanan tabata hunga uzando nan fantasia y pa e adultonan, trece sentimiento di nostalgia. E bishitante por reconoce su mes, ruman, famia of amigo/a den e storianan.

Exposicion nobo na Biblioteca Nacional

“Bella y Edwin...Pia pa ki mi tin bo”

Si Belgica tin Suske en Wiske, Inglatera tin Billy & Betsy Turf, Mercattin Betty Boop etc.

Aruba tin “Bella y Edwin”. Exposicion aki lo ta disponible na Biblioteca Nacional te cu dia 20 di juni 2015. E orarionan ta di 8or di mainta te cu 8or di anochi riba dialuna, diaranson y diabierna y di 8or di mainta te cu 5or di atardi riba diamars y diahuebs. E exposicion aki ta algo innovativo pa Aruba, door cu e meta no ta solamente pa laga e bishitantenan sinti nan mes alegre (harimento ta bon pa salud) pero tambe pasobra cu e ta un “exposicion biahero”. Esey kiermen pa exposicion aki bay otro paisnan, pa e hendenan ser conoci cu nos lenga papiamento y nos

“muchanan” tropical.

E exposicion ta consisti di 13 storia ariba canvas na Papiamento, cu e figuranan “Bella y Edwin” y cu nan amigo/a nan pasando aventura y pret na un manera “inocentemente mala mucha”. Den e pinturanan cierto detaye y aspectonan ta wordo treci dilanti, manera diferente di nos mata y parhanan cual ta haci e pinturanan interesante.

Tocante Irmgard Frans

Irmgard Frans ta describi su mes como un persona cu ta gusta desafio y aventura. Naci na aña 1955, e ta e di 7 generacion femenino naci na Aruba, es decir cu ta registra desde 1831. Y bayendo mas den tempo, su reis lo termina

na e indjan femenino Caquetio, bibando den e area di Tanki Flip of Tanki Leendert, caminda restonan di nos antecedenenan a wordo haya.

“Mirando cu e aventuranan y recuerdonan ta hopi, mi a dicidi pa conta nan den forma di storia pinta. Atrobe, tumando e curashi pa haci algo, sin tin idea con pa yega na e destino final. Actualmente 13 di e 50 storianan a wordo ilustra. E temanan ta simpel y di caracter gracioso. Den cada storia nos por mira y reconoce nos mes, un ruman, famia, amiga of amigo. E meta ta pa trece un sonrisa ariba cara di esunnan cu ta bishita e Exposicion “Bella y Edwin ... Pia pa ki mi tin bo” Frans a comenta. □